

陳氏脉学

上下

陳氏脉學上

此書原名脉理正宗或曰一見曉脉
訣蓋皆取其明白暢曉之義使人
易讀也然其所論頗有創見實成
一家之學故為題今名二說實之義
云爾 畢 博藏於長安三十二年双十節日

一見曉脈
理正宗



丁卯年菊

月報刊



一見曉脈理正宗序

醫理精粹非有慧心無以參其奧醫法圓通非有慧
眼無以察其變醫學源遠非有慧根無以續其傳

陳君維祚予窓友也心性靈明具有夙慧看書一見
能解作文一筆即成屢試不售棄儒習醫凡所治症
一服即效予每嘆其技迅夫神以為當世莫及後世
必無能繼者矣同治十一年其嗣君際昌著一見曉
然以發明二十八脉因字象以通字義因字義以明

脉理因脉理以定病症明白曉暢毫無影響模糊令
人一見了然此真有慧心慧眼能續先人之書而夙
慧常存也嗟乎世之業醫者暗於理拘於法盲於學
膠於傳不能知脉烏能知病不能知病烏能施治今
得此書以醒醫士誰不一見而曉指下了然哉活人
必多而壽世必無窮矣雖然際昌讀醫學通元等書
而作此篇其慧性所了悟豈僅在醫哉他日挾飛仙
抱明月其逍遙逍遙正莫測耳

鍾震撰書
同治十一年瀑泉

之語誰將二十八脉所以然之名義與所以然主病
之由踴實指陳乎甚至未經親明指下徒增自己臆
見想象猜估又兼附和前言擲前換後以取著作之
名致使業醫者苦記歌括白首不得其旨也昌幼承
先君庭訓復業於梓鎮縣丞

訓復業於梓鎮縣丞

陳公

官篆

朝欽先生忝附門牆留心此道研究有年

診脉之際與既診之後必印證於二十八脉問心無

愧而始休凡遇脉訣有與指下不相符合者而寤寐
間其疑難終不能釋既而睹人鏡經及醫學通元等
書有醫必通乎易之說因復留心易學而於象象二
曰之句忽悟及脉象之理遂將二十八脉之字義字
象反覆思維乃豁然大悟曰昔蒼頡夫子之造字也
有字義有字象即如爹媽二字從父從多言父親多
恩多德也從女從馬者言母親之於子不是懷抱即
用背負如馬之被騎一般也故始之著脉經者亦按

字義字象而命名毫未妄用一字也敢為一語道破
曰顧名思義四字盡之矣使讀者能解二十八脉之
字義則二十八脉之意義雖精微繁雜而一時之間
便可將二十八脉之大概了然於胸中實發千古未
洩之秘靈樞經曰知其要者一言而終不知其要流
散無窮洵不欺也昌正欲暢言其中妙義以示諸子
及吾子也茲因子之問試將脉之字義字象一二言
之比如牢革二脉昔賢誤著者甚多夫牢上從山說

文曰交覆深屋也古人以之為家又曰閑養牛馬圈也堅也固也言牢脉沉而極有力上從心者象脉之沉而在裡即交覆深屋之義也下從牛者言牢脉沉部極有力如牛之力大也其義為堅固故病亦為癥瘕堅固之疾也夫革者取皮革之義也言革脉浮部極有力如按鼓皮一般下面却是空的而革脉只有浮部堅勁沉中二部却是空的虛的故名之為革脉也故病亦主內傷精血之候也有諸內者必形諸外

也又以脉字言之夫脉從肉從永言脾胃主肌肉氣血資之以生而永其天年也而二十八脉之意義均可由此觸類旁通焉茲特將二十八脉條分縷晰直捷道破淺淺說出將各脉之名義解醒主病之原由指明兼引內經金匱二書佐証及親臨指下屢驗符合者逐一錄出不執泥成言不蒙混擲扯不想像猜估不假文墨之工惟期意義明白暢曉欲使中人以下文理稍通者俱一見而可曉焉名曰一見曉脉訣

更以浮沉遲數虛實大細八脉標宗以為分別表裡
寒熱虛實在氣在血之大綱而以相類相反之脉分
附之如羅經之既定子午則凡各向之正針兼針自
可一目了然並以緩脉獨冠於首使知二十七脉均
必兼冲和胃氣為要庶幾鬚眉活現朗若日星一見
清真得之心者應之手矣但此草管之見雖有發前
人所未發猶恐有私心自用難免無偏見成見之弊
爰付東槩質諸海內高明協為就正其得失或可傳

信於來茲為萬世民生之益也則幸甚

時

同治十一年壬申歲桂月陳際昌文淵氏謹識

同治十一年
知
計
來
...

凡例

一是脉訣之作語句淺俗字多未妥蓋緣志在寫出脉道底蘊義理精微無意文字之拙工更冀中人以下文理稍通者俱能一見可曉閱者慎勿以淺近俚語白話不雅而忽之棄之也

一醫道非內經無以認症非脉訣無以審症非藥性無以治症也此三者乃醫道之大關鍵也奈文理通達之人但能博覽群書便自誇張精明徒陳紙上空談

說得天花亂墜及至臨症之際恆多指鹿為馬此緣
藉口於書而無心力會通之學親歷指下之實故其
著書立說勦襲紙上虛詞添以臆度湊砌此為摹擬
假知也真知者悉從心力會通親歷指下故其論確
其義醒詞不厭俗語不厭繁臨症清真得心應手有
非筆舌所能盡也

一是脉訣辨誤共計有八並非想像猜估妄闢先賢悉
從親歷指下心領聆神會屢驗符合後復經二十餘載

之心力揣摩方敢錄出非敢云超出乎先賢也須知
聖人千慮豈無一失愚人千慮豈無一得乎高明諸
君試將所辨誤諸脉質之指下自必點頭心服始信
吾言之不欺也

一是脉訣惟引內經金匱二書佐證蓋以醫之有內經
金匱猶吾儒之有四書六經也雖以後名醫輩出所
著脉訣豈無一美善兼該者乎須知立志要大取法
要高孟子曰乃所願則學孔子也故惟引內經金匱